



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIABIERNE 12 DI NOVEMBER 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

# Rhodesia a declara su independencia for di G.B.

**SALISBURY--UPI--E** promer ministro, Ian Smith, a declara independencia di Rhodesia for di Gran Bretaña. E gobernador, Sir Humphrey Gibbs, representante di corona britanico den e ex-colonia a destitui Smith y su diesun miembronan di su gabinete inmediatamente pa nan accion ilegal.

Smith, ex piloto di Forsa Aerea a tuma e medida di impone censura di tur noticianan, esnan cu no por ser publica den pais sin au-

torizacion di gobierno, como represalia. E pais africano ya ta bao di estado di emergencia. Gobernador

Gibbs, a hasi un yamamentu na tur ciudadano, incluso miembronan di Forsa Armá, Polis y empleadonan publico, pa nan mantene ley y orden den territorio di e pais.

Den circulonon informanan a bisa cu si nan impedi e gobernador hiba su debernan a cabo, y si e hercito tuma parti pa hefenan di e gobierno blanco, rhodesio Gran Bretaña lo declara Rhodesia den estado di rebelion abierto. Gobierno britanico lo pidi tur e rhodesionan inmediatamente pa nan no apoya Smith y su partidacionan.

Smith a bisa cu e independencia no ta señala algun cambio den actitud di Rhodesia pa su bisinjanan africano "pa cual nos a duna den man di amistad y pa kende nos no tin mas cu bon voluntad y e mehor di e intencionnan". El a añadi cu Rhodesia nobo lo no hasi ningun esfuerzo pa entremete den asuntunan interno di su bisinjanan.

"Tur loque nos ta pidi a cambio el a añadi---ta nan bon voluntad di permiti nos di cuida nos asuntunan privá y interno".

**LONDRES--UPI--** Promer ministro Harold Wilson a declara na Parlamento cu Rhodesia ta den estado di rebelion contra corona y constitucion di Gran Bretaña. Den Camara Comun, yen di legislador y espectador, Wilson a anuncia cu:

--Gran Bretaña a separa promer ministro Ian Smith y otro miem-

bronan di su gabinete for dinan cargonan.

--Gran Bretaña lo no mantene algun trato cu e region rebelde. E comisionado britanico haltu lo ser retira.

--E ayudo britanico na Rhodesia a stop y e colonia lo ser separa for di e zona di libra esterlina. Wilson a afirma cu solamente Parlamento britanico por otorga Rhodesia su independencia y a señala:

"Tur declaracion di independencia lo ta ilegal y invalido pa autoridad di Parlamento. E Camara aki--el a bisa---a bisa cu e declaracion ilegal di independencia a ser hasi pa e hom-

bernan cu te ne declaracion el tabata constitui e gobierno di Rhodesia".

E promer ministro socialista cu a realiza gestionnan intenso pa impedi e decision unilateral di e gobierno di Salisbury y evita e ruptura, a explica e consecuencia nan di e reto lanza pa Ian Smith na Camara.

El a afirma cu Rhodesia no por bai ne mercado di capitalnan di Londres y Departamento Britanico di garantianan pa exportacion nan lo no otorga creditonan nobo ne colonia africana.

El a bisa tambe cu Rhodesia lo no goza mas di e privilegio correspondiente na su calidad di miembro " di Commonwealth.

## CAMBIONAN DEN DIRECTIVA DI ORANJEVERENIGING ARUBA

**ORANJESTAD -** Diarazon atardi "Oranje Vereniging Aruba" a reuni den hotel "Cactus Inn" y durante e reunion aki algun cambionan den e directiva a tuma lugar.

Na promer lugar e fallecido presidente dr. Coco Arends a worde recorda. Durante diezcuatro anja sr. Arends tabata presidente di e entidad aki.

Tambe tabatin tumamento di despedida di sr. C.M. Bastiaanse kende desde 1959 tabata tesorero di e "Oranje Vereniging" pero kende mester a entrega su puesto debi na su traslado pa Corsow. En conexion cu esaknan, algun cambio mester a tuma lugar den e directiva.

Sr. J. vander Schoot, secretario di e Vereniging a keda encarga

temporalmente cu e puesto di presidente. Sr. Ro Tromp a worde nombra como secretario y sr. Raymond (Poy) Jong a bira tesorero. Sr. Van der Schoot a gradici sr. Bastiaanse pa e bon trabao cu el a haci durante e anjanan cu a pasa y na final a entreg'e un regalo na number di e directiva.

Tambe e presidente a haci un jamada riba e miembronan pa for di awor caba cuminsa planea actividadnan nobo pa e proximo anja di La Reina.

E directiva ta planeando patene otro anja entre otro un torneo di pesca, ademas shownan pa e padvinder y verkennernan y encuentronan di futbol pa e "Julliana Cup", entre tur e equiponan di futbol na Aruba.

## CANDIDATONAN NOBO PA DIRECTIVA DI IOWUA

**SAN NICOLAS -** E lista di e candidatonan pa e directiva nobo di Independent Oil Workers Union of Aruba (IOWUA), e bond di tradhadornan di Lago, ta e siguiente: Pa presidente:

Hyacintho Geerman, Frans L. Maduro, Eligio D. Tromp, Casimiro Yarzagaray.

Pa vice-presidente: Jacintho M. Diaz, Anibal Rasmijn, Eligio D. Tromp, Rosario Werleman, Pedro H. Yarzagaray.

Pa secretario general: Leoncio Albus, Hyacintho Geerman.

Candidatonan pa miembro di directiva:

Leoncio Albus, Joaquin F. Bareno, Pedro G. Brook, Victor Clie, Jacintho M. Diaz, Feliz A. Garrido, Ellis J. E. Henriquez, G.A.L. Kamperveen, Frans L. Maduro, Dominic Maduro, Anibal Rasmijn, Eligio D. Tromp, Jose D. van der Linden, Rosario Werleman, Juan V. Yarzagaray, Casimiro Yarzagaray.

E eleccion pa un direviva nobo

di IOWUA, lo tuma lugar riba diavierne 26 di november for di seis'or di mainta te seis'or di atardi. E eleccion ta tuma lugar den e oficina principal di IOWUA den Grensweg na San Nicolaas.

## Pelicula di color di bishita di pareha real

**ORANJESTAD -** Awe nochí pa 7'or lo worde pasa den Toatro De Veer na Oranjestad, e pelicula di color di 35 mm di e bishita di S.M. Reina Juliana y S.A.R. Prins Bernhard na Antillas Hulandes, algun siman pasa. Pa e presentacion aki autoridadnan di gobierno, di comercio y otro instancianan di comunidad, a worde invita pa mira e prome presentacion na Antillas.

## HORTAMENTO NA SCHOOL

**ORANJESTAD -** Keho a ser duna na recherche cu un hortamento a tuma lugar den John F. Kennedyschool. Algun herment a disparce for di un di e lokalnan di e school.

## FATUM

Pa tur bo asegurado  
Tel. 1845

## Muchanan baldadi na trabao

**ORANJESTAD -** Diarazon un hoben a duna keho cu subicicleta a ser horta. Den horanan di anochi polis a detene un mucha homber di 11 anja, kende a haci su mes culpabel na e hortamento aki.

Na Santa Cruz tabatin un ladroncia di algun cent, y botternan di cerbez pretu Malta. Ta ser supone cu aki tambe tabatin muchanan baldadi na trabao.

## DIPUTADO A HABRI MADIKI COUNTRY CLUB

**ORANJESTAD -** Ayera nochí och'or diputado Dr. G. Oduber, a inaugura "Madiki Country Club" oficialmente.

E parti oficial a dura for di och'or te diez'or, mientras cu for di nueb'or e invitadonan a hanja oportunidad pa baha y goza di e shownan den e "showbar".

E directiva di "Madiki Country Club", ta consisti di srs. Edwardo de Veer, como presidente, Leo Kuiperi como vice-presidente y Donald Oduber como secretario-tesorero y manager ta sr. Jac D'Jon.

Madiki Country Club ta situ na e rand di e dos barrionan Madiki y Eagle Colony.

Frescura di Mentol



**SALEM**

ta refresca bo smaak

A  
d  
e  
m  
a  
s  
f  
i  
l  
t  
r  
o  
m  
o  
d  
e  
r  
n  
o

S  
a  
b  
o  
r  
d  
i  
t  
a  
b  
a  
c  
o  
r  
i  
c  
o

# COMISION DI PAZ TA TUMA "PUEBLO BANDONA"

ANKARA, TURQUIA--UPI--Seten ta hoben americano a reconstrui un cas den un ciudad bandona" di 4,000 aña, cerca di Ankara. Den varios siman nan a cambia e lugar den un comunidad completo cu clinica, lavandería i speelplaats.

Nan a descubri nan propio awa subterránea i a perfecciona un metodo pa saca gas--pa luz i mineral--for di mest di animal

E colonistanan di siglo 20 di Yalincak, un pueblo desierto den suburbio di Ankara, reclutanan di e comision di paz di Estados Unidos cu ta tumando parti den un programa di training pa pilotó.

## "SHRIVERVILLE"

Awor nan kier bandona nan pueblo--- jamá Shriverville, --pa pasa dos aña den henter Turquía.

"E programa di training ta designá na duna voluntarionan un conocimiento básico di vida di pueblo i conduccionnan na Turquía, prome cu manda nan riba campo" director di e proyecto Willard Whitman di Michigan a splica.

E curso di nuebe siman ta inclui instruccion di santidad, agricultura i mehoría di pueblo.

Tambe tin les di turco, historia local, geografía i economía. E training ta ser protegido pa e comision di paz di Estados Unidos i ministerio turco. Estudiantenan di Middle East Technical University na Ankara a juda pa bolbe pone e pueblo den forma. E trahadornan di e comision di paz, hopi di nan cu a caba di kita school, ta biba den 16 cas renobá di Yalincak.

Tabatin no menos cu 4 muraya i un dak ora nan a drenta den e casnan". Whitman a bisa. Pero e muchanan a hasi nan bunita.

E condicionnan di mayoría di e pueblonan lo bita, probablemente mas primitivo cu na Yalincak, Whitman ta admiti.

Pero por lo menos lo e no ta un camño asina drástico, manera e por tabata si nan a bini directamente for di New York, el a bisa.



NEW YORK--Mientras cu ta birando anochi y no tin corriente, un di e gangnan di Sheraton Atlantic Hotel ta yen di hende drumi riba suela. E personanan aki a caba di sali for di nan trabao ora cu corriente a bai di repente. Radiophoto UPI.

## AVIONNAN MESTER A TUMA OTRO RUTA A CONSECUENCIA DI E "BLACK OUT"

WASHINGTON -- UPI -- Mas o menos 500 avion di pasahero mester a cambia nan ruta pa aterrizá na lugarnan cu no tabata nan punto di destino, debi ne fallo di diamars ultimo den e servicio di energía eléctrico na nordeste di Merca, segun dirección federal di aviación a informa.

Dosien avion cu mester a aterrizá ne aeropuerto internacional John F. Kennedy y nesun di Guardia a bai hasi na otro sitionan cu no a ser afecta pa falta di energía eléctrico. Ne total aki, di acuero cu e informacion oficial di e dirección citá, mester aña di 50 pa 75 cu no por a aterrizá na Boston y hopi mas mester a cambia di ruta pa no aterrizá na aeropuertonan caminda no tin luz. Con-

tando tur esakinan e cifra a yega 500.

E informante a explica cu tur cos a resulta masha complicada pasobra nan mester a controla e vuelonan pa evita choque nan y accidentenan, pero tambe nan mester a busca otro lugarnan na unda avionnan di distinto aerolínea mester aterrizá promer cu nan combustible caba.

Mayoría di e vuelo a ser manda Newark, Filadelfia, Dulles International, White Plains, New York, y algun aeropuerto militar. Un avion mester a bai te islanan Bermudas.

E centro di control di tráfico di dirección a cuminsa opera cu nan propio centralnan di energía ora cu corriente a bai, pero e problema principal a surgi pasobra aeropuertonan manera -

esun di Kennedy y Guardia no tin e facilidadnan aki.

E aeropuerto di Newark si tin nan propio recursonan pa abastecimiento di energía eléctrico y nan por a sigui opera. E terrenan di control tin nan mes electricidad pero e pistanan no tin luz y e cantidad di aparatonan cu por a aterrizá ne aeropuerto nan afecta a ser limita pa e "Black Out", pasobra e instalacionnan electrónica auxiliar no tabata funciona tampoco.

Un funcionario haltu di e dirección a señala cu nan tabata considera fondonan pa duna e aeropuertonan recursonan di contingencia pa suministro di energía eléctrico importante.

## COMANDANTENAN MILITAR A CAPTURA 12 CAMPESINO

QUITO -- UPI -- E comandante militar di e provincia ecuatoriano Azuay a prticipa ayera nochi di a arresta diezdos campesino.

Esakinan ta ser acusa di a participa den un ataque contra tres ornitólogo di Universidad Harvard, cu tabata hasiendo investigacionnan científico den e provincia aki. Nan a ser ataca cu cuchu y mester a ser interna den un hospital.

Situacion di nan tres, cu ainda ta den hospital a mehora.

## PARLAMENTO HULANDES A APROBA MATRIMONIO DI BEATRIX Y VON AMSBERG

LA HAYA -- UPI -- Camara baja di Parlamento hulandes awe a aproba e proximo matrimonio di princesa heredera cu e exsolda alemán Claus von Amsberg pa mayoría.

Camara a aproba e boda pa 132 voto contra 9. E matrimonio a provoca algun crítica na Hulanda a causa di e pasado di von Amsberg na Alemania Nazi. E Camara a sanciona tambe, pa 135 voto contra seis e ley cu ta otorga von Amsberg ciudadanía hulandes.

E último aki ta masha importante pasobra di e manera aki Beatrix, cu tin 28 aña, no ta perde su derechonan pa sucede su mama, Reina Juliana, riba trono hulandes.

E determinacion casi unanime di Parlamento a ser desaprobá unicamente pa e comunistanan,

cu a bandona Camara pa evita di tin cu vota.

Di e nuebe votonan contra e boda, cuater tabata di miembronan di partido socialista, pacifista, cual su miembronan kier un regimen republicano, y cinco di diputadonan di partido di trabau, estrechamente vincula na e movimiento di resistencia anti-nazi durante guerra.

LIMA--UPI--Senador norteamericano, Robert Kennedy a yega e capital aki awe, den e prome etapa di su bishita di 20 dia pa cinco pais latinoamericano. Alrededor di 200 persona a reuni na aeropuerto pa duné bienvenida, i nan a hasi esaki cu aplausos. Alto funcionarionan peruano i personal di embahada di Estados Unidos a saluda e recién llegado.

Recordando palabranan di presidentenan John F. Kennedy i Lyndon B. Johnson, senador Kennedy a muestra importancia di América Latina como centro di gran problemanan di nos tempu.

Un grupo di padvinders a entrega esposa di e senador un ramo di flor. "Adelanta, Alianza para el progreso", un borchu cu un peruano tabata carga, tabata bisa.



SUGAR BOY NANDO



GOMEO BRENNAN

## BOXEO INTERNACIONAL

Pa prome biaha pelea pa Titulo Mundial.

SUGAR BOY NANDO -----GOMEO BRENNAN

10 Round

Semifinal: Kid Fenton -----J.C. Ponder

10 Round

Y algun otro peleanan mas.

Mañan 12 November pa 8.30 p.m. den

Wilhelminastadion na Oranjestad.

ENTRADA: fls. 10,-- fls. 7,50 y fls. 5,--

Kaarchi obtenibel na e lugarnan di custumber.

## LAGO TA HASI OTRO DONACION NA YMCA

SAN NICOLAS - E organizacion sumamente activo, Y.M.C.A., recientemente a ricibi un asistencia financiera for di Lago Oil & Transport Company, Ltd. E donacion ta juda pa desaroya un programa di juventud cu ta aumentando rapidamente.

Presentando e cheque na sr. Robert E. Steele, presidente di e campanja pa colecta placa pa

## The Three Voices den Marinierskamp

SAVANETA - Na ocasion di e tresien anja di existencia di e cuerpo di mariniers, lo tuma lugar diadomingo awor entre diez'or y mei pa diezdos'or, un actuacion di e grupo musical "The Three Voices" for di Corsow.

E produccion di e show aki lo ta na beneficio di e celebracion di e tresien anja di existencia di e cuerpo di mariniers.

YMCA, e vice-presidente di Lago sr. R.E. Nystrom a extende su "felicitacion pa un trabao bon haci". Durante su bishita na sr. Nystrom, sr. Steele a worde acompaña pa sr. Julio Sanjurjo secretario general di YMCA.

Anja pasa IMCA a percura pa actividad di recreacion pa mas di 46.000 participante den e 67 diferente clase di actividad. Un poco tempo pasa, e organizacion tambe a forma su mes banda musical.

"Huzgando for di e gran cantidad di participantenan cu boso programa a atrae", sr. Nystrom a bisa, "Ta parce cu YMCA ta hunga un parti importante den vida di e juventud di e isla. Nos mehor deseonan pa boso expansion na Oranjestad. Mi sabi. boso lo hanja e mes acogida entusiastico aya cu boso a ricibi di e juventud di San Nicolas".

## PERIODISTANAN A INTERROGA IAN SMITH

SALISBURY -- UPI -- Prome minister Ian Smith a declara awe cu e diferencianan cu Gran Bretaña, en relacion cu independen- cia di Rhodesia, ta irreconcilia- ble y cu a yega e momento di informa riba verdad na e pueblo.

Cu evidente señalnan di agota- miento, Smith a hasi e declara- cionnan aki na periodistanan na termino di un reunion di gabi- nete cu, al parecer, no a resulta den ningun iniciativa pa pone e comision real funciona.

Periodistanan a interroga riba e proposito di su carta di ayera na prome minister britanico Har- rold Wilson, y si e diferencianan cu Gran Bretaña ta irreconcilia- ble.

"Cuanto bez ami Wilson a tra- ta di hanja un solucion pa nos problemanan?", Smith a puntra. "Cuanto bez nos tabatin prueba- nan evidente di cubanos diferencia- nan ta irreconciliable?"

Mes ora el a agrega: "Mi ta kere cu a yega e ora, e unico caminda honesto cu ta keda nos, di informa nos pueblo riba ver- dad. Mi tabatin custumber di bisa Wilson "si nos larga situacion sigui, nos ta gañando y des- orientando e pueblo di Rhode- sia".

## FAMIA DI BEN BELLA A HANJA CARTA DI DJE

ALGERIA -- UPI -- Famianan yega di ex-presidente Ben Bella di Algeria a ricibi un carta den cual e ta scribi cu pronto e por ricibi bishita di su mama pronto.

E carta aki ta e prome muestra di bida di Ben Bella desde cu el a ser arresta dia 19 di juni.

E ta scribi cu e ta bon y cu e no tin ningun queja riba e ma- nera cu nan ta trata. Den fuen- tenan oficial a ser bisa cu Ben Bella por a manda e carta den kader di medidanan di clemen- cia na ocasion di fiesta nacio- nal di 1 di November.

## PARACAIIDISTANAN MERICANO A REALIZA OTRO BOMBARDEO

SAIGON -- UPI -- Un batallon di paracaidista norteamericano awe a bolbe su base despues di a liquida, virtualmente, un batallon bon arma di guerrilleronan vete- rano di Viet Cong, den e comba- te mas grandi cu a ser disputa te awe na noreste di Saigon. E comunistanan a larga riba campo mas o menos 400 morto despues di cinco ora y mei di lucha. A ser bisa cu e bajanan norteamericano tabata "mode- ra".

Helicopternan di ehercito nor- teamericano a hiba e heridonan di brigada 137 aerotransporta, na nan base di Bien Hoa, desde un aeropuerto improvisa cu dina- mita en medio di selva.

"Zona D" ta un region bau di control di comunistanan jen di trinchera subterraneo y casama- ta, pero e paracaidistanan a baha den dje diabierne ultimo sin hanja oposicion. For di e lugar di des- censo nan a sigi avansa den e zona te diadomingo ora e co-



*Di dia y anochi  
sin desa*

*Di dia y anochi  
sin descansá*

*semper REDDY t'ey  
na e momento oportuno  
pa yuda un y tur.*



Tel. 2170

## EISENHOWER A BOLBE SINTI DOLOR DEN SU PECHO

AUGUSTA--UPI--E dokternan cu ta asisti e ex-presidente Dwight D. Eisenhower a declara ayera cu e paciente a bolbe sinti dolor den su pecho y a consecuencia

### EMBAHADOR DI GHANA A RECHAZA PROPUESTA

LONDRES -- UPI -- E alto comisionado (embahador) di Ghana na Londres a rechaza e propues- ta britanica pa establecimiento di un comision real pa studia e cuestion di Rhodesia.

Kewsi Armah a manifesta cu e imposicion di estado di emergen- cia pa gobierno Rhodesia ta hasi e idea di establece un comision real un cos di loco.

"Lo tin un supresion completo di libertad di expresion na epais (Rhodesia)", Armah a declara ora e tabata hasi un comentario riba e comision propone pa Gran Bre- taña pa averigua opinion publico Rhodesio riba independen- cia.

e plannan pa su traslado pa Was- hington a keda aplaza.

Capitan Wallace Hitchcock, fun- cionario di informacion publica, a revela cu e enfermo a ser buta atrobe den un carpa di oxigeno. Hitchcock a emiti un comunicado cu tabata bisa: "Aunque e general a pasa mainta bon, ayera tardi el a bolbe sinti dolor den su pecho. E plannan pa su trasla- do pa hospital Walter Reed na Washington a keda suspende." E dokternan a bisa cu e dolor- nan cu Eisenhower a sinti ayera tabata un ataque di angina di pe- cho.

E dokternan a bisa cu Eisen- hower lo ser traslada pa Washing- ton manjan y probablemente e por bira bon aki dos siman. E ex presidente, di 75 anja di edad, a ser hiba urgentemente ne hospital di FORT Gordon des- or di marduga diamars,kehando di dolornan den su pecho. Eisen- hower tabata pasando su vacacion ne Club Nacional di Golf na Augus- ta, un di su lugarnan favorito di descanso ora cu el tabata pre- sidente.

Un grupo di sels dokter, encabe- za pa doctor Thomas Mattingly-- e specialista cu a asisti e ex- presidente ora cu el a sufri e ataque grave na su curazon na 1955--- a mantene e enfermo bao di observacion durante 36 ora. E grupo medico a reuni ayera



Materialnan di construcion di calidatnan na prijs atractivo esey ta solamente na:

**Petrona & Coes  
(Aruba N.V.)**

mainta nueb<sup>o</sup> or pa resolve e diag- nostico. Dos ora despues e fa- cultativonan a yama e periodista- nan y a expedi e siguiente comu- nicado:

"E general a sufri di un perio- do di coronaria insuficiente di cual el ta repone satisfactoria- mente.

"No ta trata aki di un ataque na curazon den e sentido cu masha hopi biaha ta duna e expresion aki manera esun cu el a sufri na 1955.

"Estado di e general a registra mehoria ayera mainta y e enfer- mo no a sinti mas dolor na su pecho for di e episodio inicial. E no ta verkoud.

"Estado di su circulacion a keda normal y ayera mainta nan a sacé for di e carpa di oxigeno. El a drumi durante henter ano- chi y a come bon.

"Su famia y su ayudantenan a bi- shife y e general a firma algun carta.

Un di e specialistanan cu ta aten- de e general, doctor Harry Harper, a declara cu loque a pasa e enfer- mo ta sosode personanan di cierto edad frecuentemente.

ser mata pa e fuego di artille- ria.

E campo tabata literalmente cubri cu cadavernan di comunis- tanan, hopi di nan sin uniform y arma cu a ser kita for di nan pa nan camaradanan.

Den e zona di Plei Me, e fuerzan di prome division aeromovil a mata, for di 27 di oktober, 215 guerrillero y a cap- tura 115, durante un operacion di limpieza. E accion a sigi pa un sitio di un siman cu a ser pone pa comunistanan na e pue- to militar di fuerzanan especial di Plei Me. E perdidanan di e norteamericanonan ta ser consi- dera como "modera pa grandi".

## Presidente Sukarno a suspende Estado di Guerra

YAKARTA--UPI--Presidente Su- karno a suspende ayera e "es- tado di guerra" den e ciudad aki y a reduci e rigor di toque de queda cu a ser impone des- pues di e golpe militar frustra

di dia promer di oktober. Un vocero di gobierno a bisa cu nan a tuma e decision el debi- na cu e situacion den e ciudad capital a mehora. E anuncio a ser hasi pa Radio Yakarta, pero

nan no sa precies si e control a ser entrega atrobe ne autori- dadnan civil, of si nan ta den man di ehercito ainda. E orden a ser conoce poco ora despues cu un multitud di mas o menos 100,000 persona a rea- liza un mitin den centro di Ya- karta exigiendo abolicion di Par- tido Comunista y imposicion di estado di guerra den henter e pais, hasta esnan cu a apoya e golpe mester ser elimina di tur cargonan publico.

E ministro di defensa, general Abdul Harris Nasution, a publi- ca un declaracion denunciando personanan di a difundi e rumor frustra y cu den e conspiracion di e militarnan ei, servicio cen- tral di inteligencia di Merca ta- bata implica.

Esaki ta interpreta como un golpe pa e ministro di relacionnan exterior, Subandrio, na cual "or- ganismo central di inteligencia" ta responsabilisa di e eleva in- formenan den e sentido ei na pre- sidente Sukarno. Ayera mainta Subandrio tabatin un entrevista di un ora cu e embahador di China Comunista, Tao Chung Ming y mas despues el a bisa ne periodistanan cu nan a acorda cu e enviado di Pekin cu e relacionnan comer-

cial entre e dos paisnan mes- ter keda, a pesar di e dificul- tadnan politica cu tin entre nan. Autoridadnan militar cu ta diri- gi e operacionnan di limpieza contra e reduccion comunista den e zona occidental di Java ta anticipa cu e terroristanan ta trata di establece un linea a traves di e isla, posiblemente te ne costa norte di Java.

## AVION DC-3 A ATERRIZA SALVO NA MONTERREY

BOGOTA -- UPI -- Un DC-3 cu 38 pasahero a bordo, cu a du- na señalnan SOS na parti este di Colombia, ta parce di a aterri- za salvo na Monterrey.

E torre di control di e aero- puertonan na parti este di Co- lombia no tin contacto cu dos otro aparato. Un di e avionnan aki, un DC-3 di TAO, cu, segun ta conoci, 25 pasahero a bor- do, ta bula e ruta Nelva (den ciudad di Huila) - San Vicente de Caguan (Caqueta). E di dos avion, un Catalina di compania Aeropesca tabata na caminda di Villavicencio pa frontera brasile- ro. Tin un neblia intenso den e region.





Diarazon anochi e campeonato di ping pong a cuminsa oficialmente den Club Estrella na Santa Cruz. Un defile na cual mayoría di e clubnan a participa a duna e apertura un caracter oficial y deportivo. E foto ta duna un bista riba e defile cu tabata encabeza pa (robez pa drechi), Betto Croes, Elco Nicolaas (miembronan di directiva di ATTA), Reina di deporte Aura Croes, Boysie Croes (ATTA) y Isaac Franka, presidente di A.S.U. Mas atras a sigi e clubnan cu a participa na e defile.

## HOPI INTERES PA CAMPEONATO INTERCLUB DI PINGPONG

(Di Nos Redactor Deportivo) Den Club Estrella na Sta. Cruz diarazon anochi a tuma lugar e apertura oficial di e campeonato inter club di pingpong organisa door di directiva di Aruba Table Tennis Association (ATTA). Pa promer blaha e directiva di ATTA a duna un colorido na un campeonato interclub door di organisa un ceremonia cortico pero simpatico na ocasion di e apertura. Manera den otro ramonan di deporte ta custumber den ultimo anjanan. Promer punto di e programa tabata un defile na cual tur e clubnan cu tin equipo ta participa den e campeonato a camna. E defile tabata encabeza pa srta. Aura Croes reina di deporte di Aruba kende tabata acompaña door di e miembronan di directiva di ATTA algo Elco Nicolaas (presidente), Beto Croes (secretario), Boysie Croes (tesorero) y tambe di e president di ASU Isaac Franka.

Resto di e defile tabata forma pa e clubnan Estrella, Table Masters, Aruba Tivoli Club, Commandeursbaai Club, Cursus Succes, Bonaire Club, NIWIWA Club y Connie Francis Teeners. Despues di e defile e clubnan cu a presenta cu madrina a haci entrega di un banderín na e president di ATTA, luego srta. Dorinda Croes, Miss Aruba hunto

cu e president di ATTA a hisa bandera Antiyano.

Siguiente punto di e programa tabata discurso di president di ATTA. Sr. Nicolaas a expresa su satisfaccion di cu atrobe ATTA ta muestra bida door di organisa un campeonato interclub loke ta indudablemente un estimulo pa e deporte di pingpong. Na e dos miembronan di directiva Beto y Boysie Croes, kendenan a hasi gran trabao den organisacion di e anochi di un apertura y e campeonato mes, e president di ATTA tabata tin palabranan di Elogio meskos cu pa e comisario Max Tromp.

E orador a expresa di ta spera cu ATTA por sigi conta ariba cooperacion di e clubnan: comercio, y tur otro instancia cu te ainda a coopera pa asina ATTA por cumpli cu su labor di yuda progreso di e deporte di pingpong. Na tur cu di un of otro forma ya a duna cooperacion e president, muy en especial na club Estrella, tabata tin palabranan di gratitud. Promer cu termina cu discurso cu palabra di exito na tur e participantenan, el a lesa un carta ricibi for di e president di Curacaose Tafel Tennis Bond H. Wouters, kende ta desea ATTA y tur e participantenan hopi exito cu e campeonato poniendo enfasis ariba e hecho

cu e deporte di pingpong continuamente a ser un ehempel pa e otronan den loke ta sportiviteit. E siguiente orador tabata Isaac Franka president di ASU, kende a cuminsa cu gradici pa e invitacion pa atende e apertura. El a menciona di ta aprecia semehante invitacionnan asina masha hopi ya cu asina ASU ta haya ocasion di mira di cerca com e bondnan ta desaroya nan actividadnan.

Y esaki ta algo sumamente importante pa ASU cu ta e organo maximo di deporte insular di Aruba. Tambe e president di ASU a haya e ocasion apropiado pa expresa na e miembronan di e bond cu e suma di cienmil florin cu anualmente Eilandsraad ta vota p'e den e presupuesto insular pa deporte no ta yega pa e deporte por worde yuda manera debe ser. Hopi plannan necesario y ayudo necesario tin di keda un banda pa motibo di falta di plaka.

"Mi tin full intencion di demostra na e miembronan di Eilandsraad cu e suma dunate ainda no ta basta y pa logra esaki mi ta conta ariba cooperacion di parti di e bondnan y e clubnan afilia na e bondnan. Mester busca un aumento di e suma y pa esaki union entre bondnan ta necesario", tabata palabranan di sr. Franka. Finalmente e president di ASU a felicita directiva di ATTA cu e exitoso apertura y a desea uno y tur hopi exito den e campeonato.

Despues di Wilhelmus, srta. Aura Croes reina di deporte a haci promer servicio na cuater diferencie mes declarando den e forma aki e campeonato 1965 habri.

Promer weganan di e campeonato a pertenece na clase A di e division masculino y na e division femenino. Table Masters y Cursus Succes a hunga pa un empate di 5-5.

Aruba Tivoli cu ta conta cu e conocido Mario Croes Jr. den su fila a supera Estrella III cu score di 9-1. NIWIWA II a worde supera door di Estrella I cu score di 8-2. Den e division femenino Bonaire Club a derrota

Connie Francis Teeners 10-0. E equiponante worde forma cada un pa tres hungador y incluyendo un dobel cada match ta consisti di total di dies wega. Es decir nuebe wega di single y uno di dobel.

Den clase masculino ta competi e teamnan: NIWIWA I y II, Aruba



## EILANDGEBIED ARUBA

De Gezaghebber van het eilandgebied Aruba brengt ter openbare kennis dat te zijnen kantore (afdeling Algemene Zaken) met ingang van 13 november aanstaande, gedurende 21 dagen, voor eenieder ter inzage ligt een uitgewerkt bij besluit van de eilandsraad van 21 oktober 1965, voorlopig goedgekeurd plan tot ontginning, als bedoeld in artikel 81 van de Onteiningsverordening.

Het plan heeft betrekking op een perceel, gelegen te Mahuma in het eerste district van Aruba, nader omschreven in de meetbrief van 10 juni 1963 no. 126, benodigd voor de aanleg van een gedeelte van de nieuwe hoofdverkeersweg van Oranjestad naar Balashi. Belanghebbenden kunnen uiterlijk 14 dagen na verloop van genoemde termijn van 21 dagen voor nederlegging, hun bezwaren schriftelijk aan het Bestuurscollege opgeven.

Oranjestad, 11 november 1965.

De Gezaghebber voornoemd,  
O.S. Henriquez.



Durante e apertura oficial di e campeonato di pingpong, diarazon anochi na Club Estrella, tabatin intercambio di bandera entre e clubnan y tambe entrega di bandera di e clubnan na e directiva di Aruba Table Tennis Association. E foto ta muestra e madrina di Tivoli Club, Dorinda Croes, entregando e banderín di su club na e presidente di A.T.T.A. sr. Elco Nicolaas.

Tivoli Club, Estrella I, II, III, y IV, Table Master A y Cursus Succes A.

Den clase B masculino ta competi: NIWIWA II, IV, Cursus Succes B, Connie Francis A y B, Estrella V, VI, y VII, Commandeursbaai Club I, 6 y II, y Table

Master B. Bonaire Club, Connie Francis, NIWIWA, Commandeursbaai Club A y B y Tivoli.

E competencia lo worde hunga den e clubnan Estrella, NIWIWA, Tivoli, Commandeursbaai Club y Trappers.

## ARCHER A GANA

PITTSBURG, --UPI--Joey Archer ayera noch pa decision unanime a derrota e excampeon mundial di peso mediano Sugar Ray Robinson den un pelea di dies round cu a ser realisa den Civic Arena. Esaki tabata e di 48 victoria di Archer den su ultimo 49 presentacionnan. E boxdo di 27 anja di edad awor tin bon probabilidadnan di aspira pa un pelea pa e titulo mundial di e categoria. Robinson a ser tumba den cuarto

## TA BENDE

(Pa motibo di viaha pa Hulanda)

UN AUTO FIAT 1800

MASHA MASHA BARATA Y DEN PERFECTO CONDICION.

Pa mas informacion acudi serca: Sr. A. Vermey, Juana Morto 16. San Nicolas.

## RAY ROBINSON

round y a ricibi e conteo di nueve, aunke algun ratu despues el a demostra su capacidad como boxdo.

Den sexto round Robinson a castiga su adversario severamente cu golpinan na cabes y curpa. E encuentro tabata masha fuerte durante henter e desarrollo. Pero e derrota di Sugar Ray ta danja su record cu e tabatin en busca di un oportunidad pa bolbe logra e campeonato mundial di su categoria.

Archer a pisa 72,7 kilo contra 72,6 di Robinson.

LA HAYA --UPI-- Awe reina Juliana a ricibi den audiencia di despedida, den su palacio di Soestdijk, e embahadornan di Mexico y di Republica Dominicana. E embahadornan cu ta bandona Hulanda ta Delfin Sanchez di Mexico y Manuel A. Duran di Republica Dominicana.

## KARINA A GANA DOUANE DEN EXTRA INNING

(Di Nos Redactor Deportivo) E novena femenino di Los Vets a continua su victivo diarazon anochi obteniendo un triunfo di seis carrera pa cuater ariba e team di Dano Milk den un interesante wega.

Dano Milk a habri wega anotando tres carrera den e promer mitad di inning number uno. Cerando e segundo Los Vets a anota uno, y luego dos den e tercer pa empate e score na 3-3.

No hay quinto malo Los Vets a proba ora cu nan a score tres den e inning ey cu a sigira e triunfo pa nan. Den e sexto Dano Milk a anota un carrerapa e score final di 6-4 den favor di Los Vets ser alcansa.

Pitcher ganadora di e wega tabata Wina Francisca kende a demostra balente velocidad den su lansamentonan. Perdedora tabata Mavis Jacobina.

Den e segundo wega di e anochi e equipo masculino di Karina a obtene interesante triunfo di 6-5

ariba Douane. Aki tambe equipo cu luego a resulta perdedor a habri e promer inning cu tres carrera. Karina contesta cu uno den e mes inning. Den di cuarto e douaneronan a score uno mas 0-0 pa aumenta nan ventaha te na 4-1. Pero esaki no a impresiona Karina cu den e sexto a score un blaha y cu dos den e septimo durante nan ultimo turno na bate a anota dos pa empatar e wega na 4-4. Un di e poco biahnan cu mester a worde hunga un extra inning tabata necesario.

Douane a anota uno den inning number ocho pa kibra e empate, pero Karina cu cuater hit sigi den cierre di e octavo a anota dos pa laga e Douaneronan den tereno. Na e dos carreranan aki ultimo di Karina e propiopitcher Ruben "Marcelino" Hoek a contribui conectando fuerte batasodi dos skina den rightcenter.

Pitcher ganador a bira Ruben Hoek, pitcher perdedor Francisco Romero.

# Petrolero a lanza critica severo contra e politica di Shell Curacao

E obrero den servicio di e compania Shell Curacao N.V., ya no ta tranquil mas. E obrero den servicio di e compania ei, ta traha den un ambiente di incertitud. E no sabi kiko e mañan lo trece p<sup>o</sup> e. E no sabi si mañan e lo ta otro victima di e campania di e asina yama "rationalisering". Y e ta dudá qu ora su turno yegá, si e por haña otro empleo pa mantene e y su familia. Ora e informá su baas en cuanto di su futuro, e ta haña contestanan evasivo, pasobra hopi blaha, ni baasnan mes no sabi esei.

Hefenan di departamentu ta haña orden "di arriba" pa economisá: pan ta traha bao di un presion enorme, pa e empresa run sin barcu pegá.

Grandinan den e industria ta yamá esei "Calculated" risk".

Opzichternan riba plant, ta sigui un curso di "staff-training", caminda nan ta ser doctriná, con economisá. Hopi baas ta aplica e doctrina aki, teniendo cuenta cu e factor "humanidad", nos tini un caloroso aplauso pa figuranan asina. Pero lásticamente tin otro -- esnan cu un ambicion insaciable, un sed pa birá baas grandí y qu ta dispuesto na usá cabes di obrero pa nan "subi" -- qu ta hibá e instruccioanan a cabo, cu un afán y un fanatismo, qu automaticamente ta surgi den nos e pregunta, si no a yegá e momento pa nos tumamedidanan drástico contra egainnan desgraciado aki.

Varios blaha e elementonan aki ta laga un obrero trahá den un job qu ta mas haltu clasifica qu esun di dje, pero ta fayá deliberadamente na duna esaki door pa asina e homber por haña e compension qu e ta merecé.

No, Meneer ta spaar pa e compania, pasobra e sabi, qu e poder diabel no ta risca kiek, pa motibu si e kiek, meneer lo tumaa "maatregelen" contra dje, es decir si habri un chens di promocion, e homber ta cai afó. En todo caso, lo tene un homber asina "in de gaten". Pero e no ta tribi hacié, cu e obrero qu e sabi di tin un conviccion skerpi, en cuanto di su derechonan. No, e ta hacie cu e hermano di caracter mas debil, e compañero qu ta carece "fighting spirit", e pobercito qu ta argumenta qu

## NOBO NOBO NOBO Nassaustra 34

Nos a caba di ricibi tela nobo pa shimisnan pa fiesta. Masha bunita tela Drip Dry cu no ta machika. Tela pa cortina. Tela nobo di linnen borda. Kanchi den toer color.  
Ron calidad y prijsnan barata.

tempu ta malu y qu pa e motibu ei ta dispuesto na guli e abusonan qu nos a caba di menciona.

Nan sabi qu e obrero ta malcontento y spantá, pero nan no ta realisa of nan no kier realisa, qu esaki ta a costo di un mentalidad positivo pa cu sutrabao. Nan no kier realisa qu e obrero no ta sintie mas un parti di e empresa, qu e obrero ta sintie mas bien un straiero den e empresa, un instrumento qu ta ser usá, despues tira afo, ora no tin mester di dje mas.

E obrero ta perde e sintimentu di responsabilidat pa cu su trabao, e ta perde e amor pa su empresa y e ta perde confiansa y respet pa su superiornan. E obrero ta sintié di acuerdo cu e manera e ta ser tratá: un hermén di menos importancia qu mester habri caminda pa e computer, un empleado di segunda clase.

## DIVIDI Y REINA

Compania Shell Curacao N.V., igual cu hopi otro empresa, semper bai a hibá e politica di dividi y reiná. Entrada di PWFC den historia di Shell, a elimina un gran parti di e sistema colonial ei, pa motibu qu no obstante tur obstaculonan, obreronan a bin realisa qu union ta e parti cardinal pa cualkier lucha. Pero ainda nos no ta caminda nos mester ta.

No hermanos, Aínda e industria ta duna trato considerablemente distinto na e diferente categorianan di empleado qu e mes a crea.

Tini " quincenaloner " y " maandoner " e unico categoria qu ta traha bao di un CAO.

Tin e employé, parti den dos grupo, e empleado di afo -- international staff -- y e empleado local.

Mel-mel di e dos categorianan aki tini e P.M.A.K., e gallianan amable di oficina, qu no ta ni uno ni otro, ni carni ni pisca.

## E TRAHADOR

E prome grupo ta "werkneemer" y den bista di e compania e grupo mas "abao". Cu e werkneemer, e empresa no tin un "relacion personal" tapesel ta paga segun e trabao qu e entregá. Y pa e motibu ei e mester prik kaarchi y pa e mes motibu ei ta kita ora for di dje si e yega laat, bai tempran of bati absent, e empresa no ta interesa den e persona di e obrero aki, sino den e cantidad di trabao qu por saca for di dje. Y como recompensa di su trabao, e ta ricibi "loon".

## E EMPLOYÉ

E segundo grupo ta e "employé" y den bista di e compania e grupo elite, e grupo "haltu". Cu e employé si e empresa tin un "relacion personal" -- een persoonlijke band -- tapesel nota page pa ora pa e trabao qu e entrega. E employe mester identifica su mes cu e compania, e no ta un hermén.

Y como recompensa di e identificacion cu e empresa, e no ta haña "loon", no, e ta un nivel mas haltu y consecuentemente e ta ricibi "salaris", y pasobra kizas salaris ainda no ta reflehá suficientemente su "stand" e empresa awor tin e tendencia di yamá "remuneratie".

E grupo aki tin ademá e privilegio di no ta prik; prikmentu ta carga mas of menos un caracter vergonzoso.

E grupo aki no conoce perdedimentu di ora.

E grupo aki ta gosa di tratamiento medico distinto.

E grupo aki ta "meneer" y "U", mientras e "werkneemer" "ij", y no ta importa ki edad e tini.

Manera nos a bisa caba, e empleyenan ta consisti di esnan local y esnan di afo. E diferencia den e dos gruponan aki no ta sinta solamente den e nomber of e pais di origen, pero mas bien den e "remuneratie" y algun condicion di trabao, na favor di e employe di afo. E empleado di afo mester ricibi mas salario, no pasobra e por ta traha un otro trabao, no, pero pa motibu qu e binimentu te Corsow, ta forma un "inconveniencia" qu mester ser recompensa. Considerablemente.

## E P.M.A.K.

Por ultimo tin e P.M.A.K., e damitanan di oficina qu nota prik. Un categoria qu tin e privilegio di bai Rust en Burgh y Brakkeput. Un categoria qu tin e privilegio di gana hasta menos qu un werkneemer y qu pa e motibu ei exitosamente a ser usá varios blaha pa reemplasa nan ruman homber werkneemer cu tin un "loon" mas haltu cu nan "salaris".

Den tur e categorianan aki, ta reina un invidia; e werkneemer ta envidia e employe pa e posicion y e privilegionan qu esei tin; e employe local ta envidia esun di afo, pa entre otro e salario mas haltu; esun di afo ta envidia esun local, pa motibu qu e si no por keda traha aki pa cuanto tempu e ke y e P.M.A.K. seguramente mester ta envidia tur e categorianan.

Den tur e categorianan aki, ta reina tambe diferente com-

plieho: e employe ta conciente di su superioridad. E no ta "clase aparte"? Mientras e werkneemer ta sintie menos y hostil contra e otro gruponan.

Nos damitanan, e P.M.A.K., tin e compleho di indiferencia. Y precisamente pa e envidia y e complehonan qu artificialmente e empresa a crea den su empleadonan, hamas y nunca nan lo por join y bira unu.

E grupo di employe di afo, qu antes tabata consisti principalmente di Hulanda, pero qu awor tambe di Ingles, Aleman, Canades y Australiaco, ta e grupo qu tini e puestonan haltu y yabi di e empresa.

Y ta efectivamente e grupo aki qu tini máximo beneficio di e compania. E hendenan aki, qu ta bini nos Isla pa un par di aña, hamas lo join forsa qu e empleyenan local tampoco. Asina ta dividi y reiná.

E compania ta doctrina su empleyenan, qu nan ta clase aparte.

E ta hinca den nan cabeas qu "in principe", e no tin nada contra un bond pa nan. E ta hinca den nan cabeas, qu si nan ta den un bond, ta necesario pa negocia mescos qu e obrero pa nan condicionnan di trabao. E ta primi den nan cabeas qu algu asina ta "baha" nan na nivel di e obrero.

E ta bisanan qu nan ta parti di e negosji y pa no asocia muchu cu e obrero, pero pa wanta nan mes den nan "stand".

Ata aki un compania qu ta pretende di practica husticia social.

Acaso ta husticia social ora bo doctrina un grupo di bo empleadonan qu nan ta pertenece na un nivel mas haltu qu un otro grupo?

Acaso ta husticia social ora un grupo baha cu un pensioen qu casi e no por come di dje, mientras tin otro grupo qu ta haña un pensioen muchu mas amplio?

Ta husticia social ora bo privilegia y favorece e nacion of un grupo di bo empleadonan riba otro?

Ta husticia social ora bo bisa bo empleyenan qu bo tin un "band" personal cu nan, pero no cu esnan qu bo ta paga pa ora?

Pero e absurdos di mas grandi ta que empleadonan, sea werkneemer, P.M.A.K. of employe, ta guli tur e bagamunderlanan aki.

Esei ta dividi y reiná, wanta nan separa y haci y deshaci. Compania Shell Curacao N.V. ta e compania qu ya pa hopi aña caba ta forma e base economico principal di nos isla. E compania aki tambe ta precisamente e empresa qu ta duna nos comunidad e mayor dolor di cabeas awe.

Nos ta comprende qu e compania aki -- mescos cu cualkier otro compania di zeta -- mester haci tur posibel pa mantene su posicion competidor riba mercado mundial. Nos ke comprende qu ta pesel e compania aki for di aña 1958 te awe, a corre cu alrededor di 4500 empleado. Nos y tambe e comunidad ta comprende y ta dispuesto na yuda.

Pero nos no por comprende pakiko no ta posibel duna orden y instruccion "di arriba" pa funcionarionan respeta y atenanan na e CAO y pa castiga e funcionario qu ta perhudica un pover obrero deliberadamente djies pa sacia su ambicion personal.

Nos no por comprende pakiko ta posibel pa siquiera cuminsa na elimina e diferente clasenan di empleado qu awor ta existi. Nos no por comprende pakiko

no por yama un obrero "meneer" y "U" y respete como ser humano pa e di su parti tambe debolbé e respet.

Nos no kier comprende qu ta imposibel pa avisa Gobierno y representantenan di obrero en cuanto di retironan y cambionan imminente qu tin di spera den e empresa den futuro, en bes di kita nan for di man bisando qu nan ta nada mas qu rumores y tambe en bes di laga Gobierno haña palu qu absolutamente e no ta merece.

Y for di e juga aki, nos ke ha ci un yamada na tur miembro, pa raporta serca nos cada caso inhusto, sea e toca bo mes of un otro hermano di trabao.

Laga bo representantenan dicidi, ki paso ta tumá. Y ora bo baas bisabo: "Pero si, ta bo Federacion mes a busca esei", no acepté, bai serca bo representante y laga é informa bo.

No sea cobarde y tene miedo. No laga e tacticanan di ningun persona di e compania ei, spantabo. Realisa qu represalia por existi solamente, ora bo no trece dilanti.

Compania Shell Curacao NV den cierto sentido seguramente a brinda su empleado un prosperidad material.... pero a costo di su desarrollo y valor intelectual, nos tini envidia, qu mester kita, nos tini compleho, qu mester bai, nos tin falta di iniciativa y nos ta carece e "fighting spirit", qu ta necesario pa nos join forsa berdaderamente y logra algu. Y pa alcanza esei, primeramente nos mester fortalese nos confiansa den nos lidernan sindical, nos mester realisa qu palabra di unu mester ta palabra pa tur, nos mester stop cu e argumento di "m'a bai school cu e homber ei y e no sabi mas cumi". Al fin al cabo no ta pornada nos lidernan sindical a ricibi training sindical no ta pornada nan tin experiencia sindical. Y por ultimo, ora bo sindicato dicidi algu, no duda, pero ser dispuesto di ehecuté.

(Nota di Redaccion) Te aki e articulo di e organo informativo di Petroleum Workers Federation Curacao, cual su lidernan na diferente ocasion a yega di muestra riba e politica di economisacion qu Shell Curacao N.V. a bini ta hibando a cabo durante e ultimo añanan qu a pasa. Nos a reproducir e articulo aki como quera qu nos ta haña qu ta util pa publico en general ta na altura di loque e movimiento obrerista ta pensa di esaki.

## BALA DI SKOPET DEN CAS

BALASHI - Balanan for di un skopet di kelki a penetra diarazon anochi diezun<sup>o</sup> or den un cas di familia na Balashi. Un di e balanan a bai para te den un di e kambernan di e cas, pero afortunadamente no a mishí cu ningun hende.


Probablemente tabatin un o mas persona tabata tira bestia den e vecindario ey y e balanan a pasa bai cal den e cas di familia. Recherche ta haciendo un investigacion y proces-verbaal lo worde traha contra e culpable (nan) den e caso aki.

Na Aruba

Bishita e Bar nobo Aire Acondicionado di

## HOTEL NASSAU

Den Centro di Ciudad.  
Tel.: 3233 Piet van Romondt, mgr.



You don't have to make a big effort to win valuable prizes in our fantastic contest, that lasts till the end of this year. -The drawing will take place on December 31st, 1965.- On the contrary, you can buy household articles, your car and accessories at low prizes.. and besides you have a big choice.

For every fl. 10.-- you buy, you will receive a participation form to give you a chance to win one of these fantastic prizes \* Refrigerator \* automatic washing machine & dinette set with six chairs \* double bedstead complete \* and an easy-chair.

Participate in this tremendous contest and win prizes! The more forms you have the bigger your chance to win!

N.V. WARENHUIS VAN DER REE / LA VICTORIA

# HOROSCOPO

**ARIES-** mar. 21 a abril 19—Una palabra de aliento y una sonrisa puede librar la atmosfera a su alrededor de depresión y antagonismo. Diviertase con placeres que no le cuesten demasiado. Sea considerado con usted mismo.

**TAURO-** abril 20 a mayo 20—No sea exigente con un pariente tratando de que haga todo lo que usted quiere. Por el contrario, demuestre que usted es flexible. Use métodos más ortodoxos con todo el mundo si desea avanzar.

**GEMINIS-** mayo 21 a jun. 20—Lleve a cabo cualquier estudio espiritual o de otra clase que haya planeado hoy y escuche cuidadosamente lo que tienen que decir otros. Evite hacer comentarios energicos. Use su sentido comun.

**CANCER-** jun. 21 a jul. 22—Trate de no gastar demasiado, sin ninguna razon buena, excepto por demostrar una fachada falsa, o tendrá problemas. Sea bondadoso con lo demás. Dé solo donde sea absolutamente necesario.

**LEO-** jul. 23 a agto. 22—Deje que otros vean sus cualidades más finas en vez de ser exigente para poder lograr sus metas personales. Sea sociable. Sin embargo, no sea demasiado dramático o perderá prestigio.

**VIRGO-** agto. 23 a sept. 22—Haga tranquilamente lo que sea necesario para hacer felices a otros y encontrará que ellos son muy leales con usted y le ayudarán cuando lo necesite. Siga su frase clave "YO SIRVO", agradezca decididamente.

**LIBRA-** sept. 23 a oct. 22—Usted tendrá que emplear su atractivo al comunicarse con sus amistades ahora y evitar ser extremadamente sensible. Use diplomacia en cualquier asunto social. Apriete el bolsillo.

**ESCORPION-** oct. 23 a nov. 21—Concentrarse en lograr mayor prestigio con sus superiores es lo mejor que puede hacer hoy. Sea muy bondadoso con sus parientes. Idea una manera mejor de

hacer las cosas en el futuro.

**SAGITARIO-** nov. 22 a dic. 21—Si usted piensa sobre líneas más espirituales y científicas, sabrá como operar mejor en los días que se avecinan. Hable menos y haga más. Gane más prestigio con sus amigos.

**CAPRICORNIO-** dic. 22 a ene. 19—Quitar del camino sus obligaciones es mejor hoy que tratar de presentar sus ideas nuevas para la expansión. Escuche lo que tiene que decir su consorte. Estudielas en vez de criticar.

**ACUARIO-** ene. 20 a feb. 18—Sus socios estan bajo una gran presión. No crea que estan tratando de romper con usted. Comprenda sus motivos. Sea bondadoso y compre regalos pequeños. Sea práctico.

**PISCIS-** feb. 19 a mar. 20—No le preste mucha atención a los deberes pequeños, pero quitelos del camino rápidamente. Trate de mejorar su salud.

## LAGUNA NO TIN DIFICULTAD PA RETENE SU TITULO

**SAN JUAN, Puerto Rico, UPI-** "Mi no ta kere cu Ismael Laguna lo tin dificultad pa retene su título" asina Isaac Kresch, manager di e campeón mundial panameño di peso ligero cu lo enfrenta e excampeon mundial di e categoria Carlos Ortíz a bisa. Entre tanto, Bill Daly, manager di Ortíz a declara: "Mi tin confianza cu Ortíz lo debilbe Puerto Rico cu e título mundial". Ortíz a perde e campeonato contra Laguna, pa decisión dividi, den un pelea cu a tuma lugar dia 10 di abril pasa na Panama. Daly a añadi cu Ortíz ta den bon condicionan y lo no tin dificultad pa mantene su mes den e límite di peso. Anteriormente e tabata corre tur

mainta y hasi ejercicionan parti atardi den gimnasio di e Estadio Hiram Bithorn, caminda e pelea lo ser efectua na aire liber. E portorriqueño tambe a ser pone na un training extraordinario, y awor e tin un total di 162 round di pelea den training. Referee di e pelea lo ser nombra un poco ratu prome cu e pelea. Entre e candidatonan ta figura e excampeon mundial di peso completo Rocky Marciano, Barney Ross, Bill Khan y Pete Della. E promotor Bob Lueth ta pensa cu e publico lo concurre pa e pelea lo supera tur e otro cantidadnan y tambe den recaudacion E estadio ta permiti lugar na 22 mil persona.

## TITULO DI BURRUNI LO SER DECLARA VACANTE

**MEXICO, UPI--** Consejo Mundial di Boxeo a adverti e manager di e boxeo italiano Salvatore Burruni awe, cu e título di peso

mosca di dje lo ser declara vacante, y un pelea entre e argentino Horacio Acavallo y e japonés, Hiroyuki Ebihara lo wordu efectua si Burruni no acepta pa defende su título mundial contra Ebihara prome cu dia 15 di januari proximo.

Copia di e contract pa e pelea entre Burruni y Ebihara lo mester wordu remit na e consejo, huntu cu un deposito di 5000 dollar como garantia di su cumplimiento. Si tur cos no tabata na orden, e título mosca lo keda vacante, segun e comunicado ta señala y e pelea entre Ebihara y Acavallo lo wordu realiza.

Presidente di e consejo mundial di boxeo Luis Spota a manda e mensahe aludi na Humberto Branchini, manager di Burruni, accediendo na su turno cu Burruni lo bringa contra Rocky Gattellari di Australia den un pelea cu ya ta concreta y cu no ta nifica un pelea pa e título mundial, pero semper cu Burruni firma ademá e pelea cu Ebihara, manera a keda dicidi.

Asociacion mundial di boxeo formalmente a dispoja e título for di Burruni pa motibu cu e no a defende prome cu dia 1 di november contra Ebihara, cual tabata e plazo fihá pa e organizacion.

LESA' ARUBAANSE COURANT

## PEPITA



## BUCHI ROBES



# E CONFESION STRANJO

Tras di nan a keda e finca di Ludwig Steuben. E ta muntra blanco y hospitalario bao di e solo coe a caba di sali, un ejemplo di tranquilidad y paz. Na e siguiente birada di caminda baron van Theiss ta bolbe dreil waak atras. Hendenan coe ta kere masha cos di nan mes, e ta pensa. Esey nan y nan distinguido bisnjanan. Talvez e pleito entre e dos familianan ey lo bolbe cuminsa di nobo, y lo e ta peor coe antes. Nan ta benda toer nan placa afor na procesonan inutil, lugar di duna otro coe tin mester di dje. Mientras coe e ta sigui kana e ta pensa ariba e poco plaka coe a kedele. Inutilmente e a malgasta su plaka cumprando flornan caro pa e mucha muher estúpido ey. Rapidamente e ta cuminsa traha un plan y mientras e ta corre tras di su ruman muher, su cabez ta traha mescos coe un machien di conta.

XXXXX  
Señora Helena ta scucha e batiemento monotono di e holoshi bieeuw. Ta parce coe tempo ta

duda pa bolbe bati un seconde coe lo bai pa semper den eternidad. "Y abo a kere toer e cosnan ey, Herbert?" e señora ta puntra porfin. E mester hisa su cabez pa e waak e homber halto y elegante den su wowonan. "Di berdad coe bo a kere un cos asina?" "Si, Engdahl ta contesta, mi a kere Helena. Mi a kere pasobra mi no por a weita nada otro coe e desgracia coe tabata menazando mi jioe muher. Pero mi mester tabata loco, loco y ciego". Helena van Dornta sacudi su cabez manera coe e a comprende toer cos. Di repente e ta ofrecele toer su dos mannan. E ta haci esey sin ningún tiki timidez y coe un simpatía sincero. "Herbert..." "Mi sabi Helena", e ta bisa jen di duele. "Mi sabi coe mi a comete un fout grandi. Y mi sabi coe mi a perde e aprecio y amistad coe bo a bolbe ofrecemi despues di tanto anja". E ta tene su mannan fini den esunnan di djé. "Pero mi no a bini akinan pa suplicabo. No, Helena, mi a bini pasobra mi kier admiti mi error y si tin

algo coe ta preocupa mi awor aki ainda esey ta mi jioe muher". "Carla?" "Si, e ta joben ainda Helena. Si e a comete e error di kere e baron, mi por comprende esey. Bo por imaginabo ta con un mucha muher joben asina lo a sintiele, ora coe toer su ilusionnan a wordu destroza na un manera asina cruel. Pero ami! Ami! Ami mester a pensa mas aleeuw. Mi mester a saka e idea loco ey for di sucabez. Y kiko mi a haci?" Pero señora Helena ta sonrei di repente. Ta un sonrisa cortico y tímido, coe ta duna su cara un aspecto juvenil. "No Herbert", e ta bisa serio. "Mi ta kere coe bo ta kiboca bo mes. Amistad sincero mester ta ariba toer e prehuicionan ey. Esey no por wordu kibra pa promer disgusto coe surgi". "Y amor?" E ta sacudi su cabez y su sonrisa ta bira mas cariñoso. "Mi querido Herbert, no tuma mi na malo, pero mi kier sa coe bo ta birando bieeuw". "Bieeuw", impulsivamente Herbert ta pasa man ariba su cabein blanco. "Kiko bo kier meen coe esey,

Bieeuw?". "Si", señora Helena ta bisele jen di gana di tenté. "Si no, lo bo no a lubida coe amor sincero por mas coe amistad. Hopi mas Herbert. Amor berdadero por perdona.... y lubida. Si no e no ta amor berdadero." "Naturalmente" E dos pajaritonan a bula bai! Mi por a pensa esey! Dios bendiciona nan pa nos Helena y coe semper nan por biba feliz". E porta ta dal habri e Steubentana kana drenta na zundramento. "Ladronnan, sinvergüenza, vagabundo, esey nan ta. Y nan ta keda dos luna largo akinan. Esta un escandalol Esey ta.....". E ta haci moción pa bolbe bai afor. "Bo kier mi jama poliz?". "No", señora Helena ta contesté jen di calma. "No papa, no haci esey. Por favor". E homber bieeuw ta keda waak su jioe rabiá. "No pa haci esey nos ta mucha educá, no ta asina? Nos mester laga nan ganja y horta nos manera nan ta hanja ta bon y nos no ta bisa nada....". E no sabi kiko pa sigui bisa mas, y ta cal sintá den un stoel. "Engdahl, idiota grandil

Mi mester bisabo asina, si tabata bo tata, sigur coe e cos ey lo no a pasele. E tabata un homber. E si lo tabata sabi kiko pa haci awor. Poliz lo e a bai, y si tabata necesario hasta serca ministro di husticia. Y lo e a tene e dos ladronnan ey coe su mes man te ora coe poliz jega pa hibanan". "Señor Steuben mi ta sigurabo....." "Ai kiko!" E bieeuw ta waak e amenazante. "Mi jioe muher ta haci loke e kier coe bo. Coe bo y coe mi, y coe toer e otronan tambe. Ta pesey nos mester sintá keteo laganan horta nos sin defende nos mes. Ta semper Helena tabata asina. Bondadoso y noble y toer ora e a papia di bondad y comprensión, o ta con e ta jama e cosnan ey. Y awor....." "Papa" Señora Helena ta bolbe sonrei. E ta satisfecho pasobra e a bolbe sali ganá e blaha aki. Ta solamente coe su tata bieeuw no sabi con pa bisele coe e ta di acuerdo coe né.

E ta sigui.

**SP-KIBBY**


Agente exclusivo di

**FRIESCHE VLAG**

lechi evaporado y lechi en polvo

pa cortesia di: **JAN BODIGOM & CO (ARUBA) N.V.**

**MAXWELL HOUSE KOFFIE.**



**FOR CUMPRU ARUBANAN COURANT NA E SIGUENTE LUGARNAN:**

**NA ORANJESTAD: BOEKHANDEL MARIKA, PIET SODA FOUNTAIN, REFRESQUERIA INGRID**

**NA SAN NICOLAS NICOLAAS STORE UNION STORE.**

- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria
- Joyas del Hogar
- 8.30 Ultimas Noticias
- 8.45 El Pan de Vida
- 9.00 Mundo Femenino
- Gymnasia
- Joyas del Hogar
- Canta Leo
- 9.15 El Sendero de Vida
- Canticanan di Evangelio
- Corazon a Corazon
- 9.30 Morning Melodies
- 10.00 The Bible For You
- 10.05 Band Music
- 10.15 Organ Melodies
- Thoughts on Home
- Sacred Songs
- Gospel Bells
- Sacred Classics
- 10.30 Through the Bible
- Songs That Touch The Heart
- 11.00 Chapel of the Air
- 11.15 Delicados Pastos
- Canticanan di Evangelio
- 11.30 Melodias di Merdia
- 12.00 Ultimas Noticias
- 12.15 Musica Sagrada y Meditacion
- Sacred Music & Call of Calvary

- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- Hour of Decision (repeat)
- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Titanes de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sailor Sam
- Muchanan pa Cristo
- Children's Gospel Hour
- Fun With Music
- Music BOX
- Hobentud Pa Cristo
- 5.00 Vertel Uurtje
- Canta Leo
- E Ora Aventuroso
- Melodias del Alma
- Informacion di Gobierno
- 5.15 Palabranan di Bida
- 5.30 Ecos del Evangelio
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Welde
- Christelijke Liedereren
- Christus tot de Volkere
- der Aarde Gebracht (herhaling)
- Voor Zijn Glorie
- Windows on Holland
- 6.30 World News
- 6.45 Lago Hour
- Baptist Hour
- Miracles
- Musical Interlude
- Haven of Rest
- Issues in the News
- 7.00 Organ Hymns that Lift Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Look Up and Beyond
- 8.00 Musical Gems
- 8.30 Back tot the Bible
- 9.00 Klassieke Muziek
- 9.15 Dagsluiting
- 10.00 Sign Off

**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA --- SEVEN UP --- GRAPETTE-KIST --- VICTORIA SODA WATER --- BUFFALO ROCK --- GINGER ALE**



**ISCO KID**

pa cortesia di:

**ARUBA BOTTLING COMPANY**

**NESBITTS den varios sabor, e refresconan mas pidi y mas gusta na Aruba.**



**BOTICA DI WARDA**

Oranjestad: Botica Oduber Tel. 1780.  
San Nicolas: Botica San Lucas Tel. 5119.

**VOZ DI ARUBA**

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)
- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandez)
- 12.30 Noticias (Papiamento)
- 12.45 Melodias Instrumental
- 13.00 Noticias local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical
- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura.

**OBRERONAN URUGUAYO A CUMINSA WELGA**

MONTEVIDEO -- UPI -- Pa mantencion di nan exigencianan di salario, obreronan di e gobierno a cuminsa un welga na Uruguay ayera di 48 ora. E conclusion a ser tuma pa un bond di obreronan di gobierno uruguay. Ta parece cu e ministerraad a conferencia ayera nochi tocante pa bolbe impone un medida di seguridad cu algun dia pasa a ser kita. Motibu di e conversacion ta e empeoramiento di e situacion na e pais.

**RADIO KELKBOOM**

- 7.00 Opening
- 7.02 Bon dia cu alegria (Inst.)
- 7.30 Noticia Internacional
- 7.45 Musica Matutino
- 8.00 Seleccjon musica Latino Americano
- 8.30 Cumpleanjos Feliz
- 9.00 Noticia Social
- 9.15 Peticion pa telefono
- 10.00 Noticia Internacional
- 10.10 Intermedio musical
- 10.30 Programa di N. Habibe Jr.
- 11.00 Noticia Lokaal
- 11.10 Intermedio musical
- 11.15 Musica Antillana
- 12.00 Intermedio musical
- 12.15 Noticia Internacional
- 12.30 Musica Norte Americana
- 12.45 Noticia Lokaal (Vlana)
- 1.00 Musica Varia
- 1.30 Mei ora cu Boleros
- 2.00 Musica pa cortesia di Colgate Pal.

- 3.20 Peticiones
- 3.15 Ritmos Latinos
- 3.45 La Macorisana & International Supermarket
- 3.55 Musica cu sabor Azteca
- 4.30 Noticia Lokaal (Heineken)
- 4.45 Cocktail Musica
- 5.00 Musica pa Teenagers
- 5.30 Musica Varia
- 6.00 Noticia Deportiva (Gillette)
- 6.15 Musica Varia
- 6.30 R.V.D. Regering V. Dienst)
- 6.45 Musica para la Cena
- 7.00 Musica Europeo
- 7.45 Musica Norte Americana
- 8.15 Musica pa Cortesia di Colgate Pal.
- 8.45 Variacion musical
- 9.00 Programa di Voice of America
- 9.15 Variacion Musical
- 10.00 Sluiting

**RADIO ANTILIANA**

- 5.30 Apertura y Oracion
- 5.35 Manianita Arubanas
- 5.45 Melodias di Wild West
- 6.10 News in English
- 6.30 Noticia na Papiamento
- 7.00 News in English
- 7.30 Noticia na Papiamento
- 7.45 Programa di Jule Nieuw
- 8.00 Espacio pa un Ritmo Criollo y un poesia
- 8.10 Variedad Musical
- 8.30 Musica y consejo dedica na tur nos amigonan automobilsta
- 9.00 Noticia na Papiamento
- 9.15 Musica Norte-Americano
- 9.30 Mejico cantando via Radio Antillana
- 10.00 Intermedio Musical
- 10.10 Noticia na Ingles
- 10.20 Programa di La Macorisana & International Super-

- markets
- 10.40 Momento di Ritmo
- 11.00 Tur dia otro programma
- 11.00 Musica Colombiana
- 11.15 Voznan Popular
- 12.00 Oracion di merdia
- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas En Orbitas alrededor di Mundo Deportivo
- 1.00 Noticia na Papiamento
- 1.20 Flesta Calypso
- 3.00 Musica Norte-Americano
- 4.00 La Esperanza y su Obsequio Musical
- 4.30 Variedad Musical en Complacencias
- 5.00 Noticia na Papiamento
- 5.30 Calypso Rama - Budwelzer
- 5.45 Musica Chevere
- 6.00 Variedad Musical
- 6.15 Musica Colombiana
- 6.30 Noticia na Papiamento
- 6.45 Variedad Musical
- 7.00 Felicitaciones y Complacencias eticlonas
- 7.45 Programa di Jule Nieuw
- 8.00 Programa di Club Bonaireano - Club Surnam
- 8.15 Continuacion di Fel. y Compl. Peticiones
- 8.30 Reddy Kilowatt
- 9.00 Desfile di Exitos
- 10.00 Anloranzas
- 10.30 Impactonan Musical
- 11.00 Melodia y Romance Musical
- 12.00 Clausura

**RADIO VICTORIA**

- ..M.
- 6.00 Apertura & Musica di Banda
- 6.15 E Bijbel Habri
- 6.30 Ultimas Noticias
- 6.45 Peticiones